





有宋福建莆陽黃仲元四如先生文集卷之四

清逸處士春山林君墓誌銘

嗚呼天人革命之際仗節守義世自有人直少耳山林臯壤之士履潔高蹈又一輩人若夫城是民非水火焦没人皆遠嫌謗算成敗事如蟣虱誰爬梳之士有不幸身值時危浪驚旋若山楫維春山林君伯雨雷龍所以冒風塵而不辭君豈樂諧附邀顯融者姑尚抑齊陳公尚即尚公主之尚抑齊蓋雷龍之姑夫也即忠惠公陳鞅開闢秉樞君朝夕侍何官弗可迺迴翔隨計甘垂翅於青冥仙冠昂沸君迺難容止北山方公思練事達變者左



右之檄君叅錄令莆田無何陞佐郡改宣教郎北騎  
環城來之皆坎命隻患深墮乎樊中輿圖混官制行  
君以治中署郡事不年餘流離集震撼定君精神倦  
閉門卻掃而清逸之褻渥矣鴻已冥飛猶離矰繳雖  
家事落然而賦詩怡然耕吟前藁予跋醉吟漫吟後  
藁予叙本生父大有母葉氏更葬予銘已系家牒最  
可痛者世父天存卒君後之伯氏霖龍卒君元妃黃  
夫人子世雄後之世雄與季敏孫死兵夫人前卒繼  
陳氏子猶子宜翁宜温恭善為子婦貢士黃鎧女十  
年君卒又五年宜天母陳氏以宜兄伯奇次男富孫

主宜喪彼蒼迴幹胡為是區區者不昇于君殊未可

曉君貌魁梧襟坦夷詩精毛氏故故謂經之旨趣云訓故舉大義而已

史熟司馬治鑑書工顏筆天文地理貫穿融液辰冬

末疾悵坐未疾謂手足緩急猶校唐詩明夏端午再作手教

囑宜學禮於余余亟存問連呼易箒者三曾子寢疾童子曰華

而皖大夫之箒也曾子曰斯季孫之賜哉未之能易也元起而易之死生大聚散矣君

生乙未正月歿癸巳五月年五十九宜生癸酉四月

歿丁酉三月年二十五伯奇卜是歲閏臘庚申葬君

延壽羅峰原以宜祔女子子四長婿教諭陳大雅男

良燾次與側出住奴許嫁傳黃宦族幼恃其母孫男



富孫女二伯奇飲泣謁銘于書曰

先賤後貴者多壯達晚窮者幾窮似達貴似賤者此莫之致而致君蹶寔於景定驅馳乎丑寅無須吏之樂有寵辱之危殆如冰而求解未有騎而不下覺今昨之是非付春華之開謝雖令客之不来幸處士之可書竹風燥兮霜梧雄鳳去兮呼雛造物者未定君父子竟制於天歟造物者果定君子孫其必振歟嗚呼

韶溪姚君墓銘

屠維單閼之歲

屠維單閼卯也

闕逢闕茂之月

闕逢甲也闕茂戊也

前福清尉姚勉將葬其父

張侍中遺言厚葬晏丞相遺言薄葬二公俱葬楊

元祐中同為盜砍伐張曠金玉克塞盜喜列拜而去宴曠瓦器數十盜怒砍棺取合帶亦木也以斧砍其骨厚葬免禍薄葬致禍走隸人以善狀來謁銘曰銘所以繫名

傳世先生諱淇字景瞻世居莆之韶溪因號韶溪曰

朝嗣者晦德不仕曾大父也曰野庵先生隆贈朝散

大夫者大父也曰龍川府君直夫階至朝奉大夫者

父也配魏氏息九人男君錫君煥俱天君舉為伯貢

士元泰後君厚業於文勉也女適魏節孫益敬顧成

父郭元善皆士大夫族願書之以附繫名傳世之義

銘所以論撰先美先人蚤讀世書侍龍川府君之治



所禦寇捍城士之甚武之甚晚學空坐不牽六欲自  
束脩至者指使六十曰耆指使經云耆指久之稱不自用力繼以指意使令人為子  
孝為弟弟於僚友稱長者於閭巷稱善人願書之以  
附論譔先美之義銘所以志卒葬月日先人不幸甲  
戌臘月十七日以疾終禮踰月而葬何以緩亂故勉  
未即死危不得葬今茲筮宅于鳳蹟山占曰從卜日  
癸酉占曰從卒窆有期願書之以附志卒葬月日之  
義淵曰嗟嗟乎景瞻之光系如此不書惡惡可景瞻  
之為人如此不書惡惡可嗟嗟乎景瞻之有子如此  
不書惡惡可勉以京學進士恩免受初階屬車蒙塵

承詔扈從特循一資景瞻亦肯贈從事郎惜景瞻之  
不及見也夫書而予之銘曰

后土濕兮天陰陰山河在兮草木深東西兮乞命  
大王南北兮校尉摸金人何生兮可藉骨何土兮  
可托思滄海兮欲傾歎親朋兮凋落若景瞻者積  
善之餘死順其正葬歸其居淒淒寒風蒼蒼宰木  
泉石有知護一團玉

書宋故龍州史君姚公墓誌後

公官至二千石而清貧如韋布士德彌厚葬彌薄後

三十載或猶尋陽舊藏處

張侍中遺言厚葬晏丞相  
遺言薄葬二公俱葬陽翟



厚薄致禍嗚呼時危世難干戈接聯泉下德人有幸  
不幸非關英厚薄也公之孫勉偕諸昆弟忍痛更葬  
事已泣曰丈夫得一幅汗青足矣事謬不然史筆悠  
悠昔誌吾祖者其人最强項迺大書曰善人曰君子  
曰循吏曰老壯窮堅陵遷谷易一切毀壞此紙幸留  
吾將重刻宰上以識吾哀願徵辭於石陰余嘗銘公  
之子景瞻之墓三嘆茲事忍書之手雖然自有龍坡  
有此山川人朽名芳公何憾焉諸孫雅雅書種綿綿  
時之來兮當復家壇如一株桂散花萬千秋香未歇  
更有年年維女後之人慎旃慎旃詩旃歲辛巳後中

秋里後學韻鄉老人黃淵誌更葬月日不書

### 歐陽君厚墓誌銘

漢重儒林學尚書者班固著以歐陽氏

班固傳歐陽生字伯和事

伏生授兒子孫相傳尚書世有歐陽氏學唐尚進士官四門者韓愈號以

歐陽生韓愈有歐陽生曷為氏若生尊異之也問其

人與可傳者問名不問位士有不第進士置籍儒林

伍中亦可書已况四門苗裔乎或問某生曰吾里井

上君厚也井上粵若來登年矣君厚曾大父渭卿鬱

林州博白縣令大父祺父起莘世食舊德君厚諱德

載以質行稱財五十有九卒君厚持家約與人信誨



子弟以誠塊處一室對聖賢書目謹勅士偶快意飲  
酣歌永叔醉翁亭記坡老赤壁賦又風塵表物初署  
博士生浮屠氏歸我田博士以文功比於武事命題  
君厚賦出聲籍甚後二十年浮屠氏復取我田君厚  
持左契白大閫卒我歸某甲悞音典墨不得去君厚孺  
人此事未見儕輩猶交誦義籍棄塲屋試州縣什出二  
三恐未可少弄筆生不幸老死音圭華衡堇堇耳耳  
君厚未死前七日趣具觴客與訣參悟死生如雨日  
霽此豈無所養者黨逮者兮留今視東門其可蕪未  
知尚端坐讀書或拊缶而呼烏烏唉君厚之弟似幼

孤字之誨之歲甲子果荐名娶吳氏子男四椿壽梓  
稚圭泰吉女二皆歸士族孫至孫丙子秋吳夫人亦  
亡亡之四月椿壽有兵難明年又明年仲子梓卜窆  
桃枝嶺吉玄月己酉雙合窆椿壽從祔緩以亂故梓  
也才來謁銘涕滿匡問所以表於原上吾曰先大夫  
之可傳與子之可傳先大夫也氏亦可生亦可不者  
鄉人之於先大夫也君厚之我其亦君厚之乎公羊  
子曰稱字褒之也然則亦尊異之辭與梓唯唯吾於  
是書君厚之墓曰君厚而與銘曰

彼岡嶺然

音洪

有宅隆然藏者曹曹然

音蒙



也來者顛顛然昔之日躬躬然躬音弓今之日蓬蓬

然蓬音逢盛貌而我銘之慄慄然慄音同憂也

### 李仁可墓銘

嗚呼義士李君之墓君諱汝文字仁可其先溫陵北鎮人六世祖以武功顯析居莆仙遊太平溪遂為大族甲溪上大王父某王父某父某承信郎出出樹德君侗儻有節槩遇事當否立決盤錯無窘色視之量汪汪於人自青白眼一試進士屈即棄場屋中燬者再不悒悒人以緩急扣俱足分願去或累負券亦不掛口晚年牀即床頭金盡有謁猶獲狠者柔之寃者

平之餓者活之尸者殮之殮覆道中死人於是此邑稱義士

必曰李君李君閑居由由然與鄉人皆迎師教子非

國士不我乎館精舍規撫視學宮先聖先師像設其

間先聖先師見記東西齋寢偃偃謂庖湍備置都養來衿佩

於是學子稱義士必曰李君李君丙子夏西鄉弄兵

掀簸而南逼溪市二里許君率民伍勇前魁者手之

徒有年少仞曰此李官人義士義士挾君挺身逃亡

何忠肅陳公以樞參出為撫諭使辟君授初階君囑

予以好辭謝誠不願官忠肅公語余曰此時而有此

人義士義士丑冬寅春兵南北來死者坻京君脫奇



厄寄止湄隄不一月重遇攻劫窮空甚兵退君還溪  
 澣招流逋化龍蛇為赤子變榛莽為聚落雖北人亦  
 曰李官人義士義士溪北居者稍寧君儵音蕭然南山  
 蓋茅三間為菟裘計左魯隱公曰營菟裘病已藏臍  
 聲字去不安毅君適音的子師古衣不解帶醫禱萬方里  
 父老俱感曰李官人義士義士辦香北嚮為君祈生  
 君竟不起疾其卒也人有欠君債者無有欠君淚者  
 君所識多勝流獨敬余為法度壬庚午西上君為治  
 裝乙亥之戌君又治裝比君逋播猶資送余余亦曰  
 君義士君義士每歲荔子丹走一力到城是年伴不

來余心怪吾朱甥語君病故余亟寓書問無恙君病  
 在席但寄聲云非止失食飲節即也續恐有死生分  
 前夕君見音現夢於余上帝授我山主山主者為余覺  
 惜音窄左傳註曰吾故人將如白雲在天不可呼不  
 可呼又八日朱甥書言君死迺吾夢之明日又明日  
 余為位哭且哭以文此故人死無已知者師古日謀  
 葬君戶外事或如疾風甚雨隻手爬梳保先人遺體  
 不暇葬以此故緩今卜宅於某里某山之原食以  
 言書惟洛食是也先一月師古哭徵銘余亦哭曰余尚忍銘  
 此故人也夫然余不君銘又誰銘君元妃梁氏前卒



繼室黃氏春秋六十六死當辛巳七月二十九日葬  
 在某年某月某日師古黃出久從余學頡頏詞章不  
 與鬢查鬢音俱鬢不與咻俱咻可謂克世其家它姬子  
 某九歲女某四歲君平生厚親故里閑而汾曲之田  
 不足供子舍舍人也 饘粥然後人人知君為龐公人人  
 知君於死之年余知君於生之前君所以嗜予至老  
 不衰今無此故人矣徒倚溪橋興懷舊事下晴風佳  
未散皆晴風佳日並轡班荆把酒持螯海蟹雨浪平  
舊事也之時促膝膝相語軟鷄鳴未散俛仰已為陳迹  
 環溪觀大觀之傍此土人尚有義士如吾故人李君

者乎否不待弔君新墳然後洒淚向西風也悲夫銘

曰

人促促以爭名君視如泥音宛泥人劫劫以營生

君棄如唾吐涎藐若視乎公卿其交有道若混世

於埃塵其身皓皓前此酣歌升平洒掃擊考書傳

擊考擊也猶後乎蜩蟬沸羹古詩有蜩蟬沸羹青山

眊睨歲月忽兮流星死生事大叶柁去聲無老成

兮典刑科斗瑣瑣埋斯人於幽扃九原者不可作

此叶箇去聲下馬者讀吾銘不沃酹車勿過

故中山處士林明甫墓銘



國清地名古有國清堂鄭耕老詩云六林氏之昭曰

回年府君贈承奉郎國鈞於艾軒為諸父行穆曰存

庵先生浦生雷震震生丞丞生夢稟其嗣適音

諱遵文字明甫自號中山處士生於甲辰四月娶朱

氏生丈夫子二曾度曾瞻女子一歸吳遜山次男公

老孫男三實寶潛以大德庚子九月某日考終年五

十七余聞而哭之三丁未仲春卜某日窆于其原前

期明甫親友存厚戴君元吉為其孤來徵銘且告緩

故余對存厚泣霑襟曰余嘗銘明甫先君子定齋矣

尚忍銘吾明甫乎哉敢不諾嗚呼明甫家聲之懿世

學之傳余初意為快士及門授業迺衣服朴而無華

辭觀德而有度觀去聲玉藻云習容識高趣平正余

大器識每月兩講雨甚亦至耳聽手抄退質所疑渙

然怡然則於吾言無不說舉子業中方幅間得前輩

緒論扣所自以網山樂軒宏齋三先生對結字小楷

不俗崔瑗雖得筆勢五七言妥帖深遠為子弟無違

禮處伯仲皆順德暇日校讎經史客來開樽觴詠春

初秋九季湖上宴集族戚怡如風月佳時買舟速余

耕樂堂前濯纓亭上爵油油後賦程伯子四時佳興

四時佳興與人同程子秋律詩也王藻云殊不減舍

三爵而油油以退油油謹重自得之貌



黃四女集卷四  
瑟人兵火後明甫孤苦負土營中猶遣伴來勞余戊  
成酌余穀城魚鰲擘蟹明甫語余軒冕無分湖山有  
緣二句言生今猶旦暮明甫已不可作二句言死明甫雖事作  
業非賜之殖最樂周急非商之恡音與與人立速然諾  
非求之辟凡事務平實非師之過貢法久停擇師教  
子惟聖哲之書乃讀馬復有令計租受庸於刀筆之  
習必戒箕裘吾世業主壁爾元身此明甫過庭之誨  
可以知所學所存矣婚嫁之債甫畢鐘鼎之養不待  
世運浩茫音音人壽爾天奈何乎明甫追念疇昔落月  
屋梁如見顏色不惟存厚痛吾明甫余彌痛吾明甫

銘曰

忠信篤敬若而人文質彬彬若而人之人也斯可  
謂之處士命子以曾欲其孝兄弟友于信其孝之  
子也斯可謂之雅子二孤皇皇相厥陰陽有封若  
堂歸燕爾藏德厚者流光善積者慶長書種兮不  
斷來裔兮永昌

故進士謝春塘墓銘

南劔將樂有進士謝景雲諱漢章號春塘者篤實君  
子也春塘性資聰穎十三通詩毛氏學弱冠兼治春  
秋三傳與老成人相頡頏二十有七以詩經拔解太



常報聞還山著書有詩集傳春秋分國事類春塘小  
藁八卷不幸年三十二蚤世孰予去其有不使其施  
悲夫先春塘病逾旬自忖不可諱呼冢子中筆授之  
曰嗟有生而有死兮適晝夜之常理惜祖父之托重  
兮依後人以爲衛既未見於朝市兮合於山林而肆  
志嗟買山之無錢吁捲茅之可慮無一名一位之可  
戀兮無好田良宅之可羨所戀者明師而今不可復  
親所羨者佳友而今不可復交生不得以遂丘水之  
願死必欲親身於丘水之遊後人成人以成余謀筆  
已浩歎而訣僕諷誦喟然曰春塘之所養可知已然

此春塘之學之文也其大者孝爲百行之先春塘六  
歲失怙八歲而母趙嫁十四而大父母繼歿嫁母與  
後夫突如來如陽曰恤孤陰則剝廬易卦鬻產而去

家事落矣他人不堪其憂春塘一身百難自童兒至  
沒齒無怨言昔孟子車謂凱風親之過小而七子曰  
母氏勞苦母氏聖善不知其母之過春塘甚似甚似  
蓋又難於凱風矣有學有文而嗇於年世固有之醇  
孝而不胡者未之有也薰致燒膏見炳天何爲哉此  
可爲春塘嗟嘆也僕於春塘雅不相識於其子聞譽  
處而已無疑號也不遠哀春塘行義年寓書徵文於



後死者曰詩云明發不寐有懷二人傳禮者曰父母之謂中於日月將改葬先父母敢泣以請僕拊心語我不知其人人奚我知欲辭之而遠不可辭迺撫家乘繫其世出謝方雅之族晉末散居江左入閩則五代之季於泉為著姓有諱履者官至工部春塘鼻祖也占籍惠安菱溪多聞人有諱瑞者官學古鏞樂其風土家焉曾大父維清結廬邑南三十里許大父如晦又於泉獅巖下卜宅四載而返古鏞二父業詩為經師大父娶趙不宜男父炎劉出累糧盱江受業名未就而天母亦趙氏生春塘及女子子一春塘妃吳

氏丈夫子中前順昌雙峯山長仲文遠季不成殤女

昭奴下殤

生八歲以上乃成殤

春塘生於某年某日卒以乙亥

八月某日吳矢靡它後春塘三十三年卒中娠李氏

文遠娠伍氏孫男三襄詢子一未名孫女三長未行

平聲餘幼二孤奉春塘吳氏匱合葬于瑞龍山之原至

大已酉某月某日也無疑慷慨有大志學贍而工詩

文前此述難春塘平生所著十無二三無疑收拾殘

斷廣求魁人韻士印刻板也可以慰春塘於九京九京讀為

九原墓山也吾家山谷叙謝師復遺藁方行萬里出門而

車軸折可以隕涕余於春塘亦云吁嗟乎春塘難乎



其為子也子如無疑又能為子來者觀謝氏世世不失令名當求之文墨之外不銘惡惡可銘曰

春塘小字曰騫閱于騫也小字曰騫者言其少以孝稱也方終身之孝

國稱賢德行雖列四科方可慟者似顏之年後之

人後之人方如松之茂蘭之滋後之人其謂誰方

五馬山下謝無疑相丘水而崩音崩堆也新阡方是為

無疑之父之墓銘春塘者又誰方甫四如黃淵彦

安甫

架閣通直劉君墓誌銘

嗚呼丙申之難岷峨悽愴衣冠屑播於江浙湖廣者

夥獨閩最甚丙子之變山岳舍故輿徒奔湊於七閩

又多惟莆罕見已卯春余坐文峯下有一士巾履儼

如步趨翼如意其官人也揖與之言氣下語溫粹德

君子也詢族出則曾森諱存畔字蜀簡池後溪文節

劉公之曾孫也交臂而散猶未相知且相善君時僑

客寓也為莆人郡庠學正虛席金贊君氏名於博士曰

願借蜀產之珍以為莆泮之望博士即延致之余寄

食西東貧故之以君抽裳金館勝彥買書教子經緝

生計雖不豐亦苟美且養先夫人文氏所生楊氏如

母而尚平之債俱了尚平字子平后漢人男女婚嫁既畢乃勸斷家事遊五岳名山



所不知時相過存呼樽對牀嘯咏談賞君善余亦知  
君矣君靖厚淳質慎交遊遵涯分而意外之來有如  
疾風甚雨不數年物之倘來皆寄百年之身寄而又  
寄前孰翼之後孰顛之天公似太憤憤遂以存吾自  
號然忍人所不能忍有無畧不掛口篤鄉情者今玉  
融守梅庵母公前莆田尉菊存班君二人耳歲丙申  
來往延平良苦至未越月冢訟復起君心勦形瘵疾  
於是乎作瘵音再病也余於君雖悃悃款款然亦奈君何  
哉少間君愀然曰吾祖與父壽俱五十八吾年相符  
恐止此數余對母恐母音無亡何亡音無君果不起倫莫

大於朋友痛莫大於死生嗚呼君之世系大王父光  
祖即後溪先生學禁中魁人韻士也王父某秘閣監  
丞父某大理正母鄧氏君之宦學繇蔭補銓注秦州  
民曹調三衢讞掾攝龍游令遄刻為真在有政稱人  
呼活佛改通直郎刑工部架閣泊長涵江書院非君  
志也君之歲月庚子十月二十六日生于雲川雲音押蜀  
地丁酉五月十二日卒于莆田寓舍君之妃胤平舟  
楊公之外孫女即文氏先已卯二月卒男季源季深  
女適前宗正丞蒲公某之子杭前進士趙時擢之子  
佛孫佛家奴女珠娘外孫旂孫嗣祖續祖女聖奴先



是君自度窳音串於常太里芳蓮塘辰山葬其配而

虛其左今二孤筮庚子六月甲寅奉匱即窆音砥下

也昔有父没而不克葬後好事者改卜新宅文士多

之君家弊矣源也深也名二子垢衣削食復君子土則

為有子矣雖然此子道之當然是則銘銘曰

時之來兮顯融時之去兮窮空日未昃兮數終宴

其歸兮幽宮極必復兮變則通後人弗棄基兮庶

揚乃祖乃父之清風重曰重猶騷之瞻彼墓門云

誰之思彼西方之美人兮九京若何起之噫  
太學錄此堂葉公墓銘

嗚呼天下事有幸不幸惟士亦然士之進身先鄉貢

次舍法偶中鵠則謂之幸非知得也不貫革則為不

幸非愚失也月書歲攷健者升梯或再優或三優猶

黃甲郎堂下再拜釋褐去余於此堂葉公君選見之

君選樵之泰寧人諱必茂妙年異群兒侍父宦遊師

東莞謝某習周禮學已酉預計偕次年補太學生乙

卯魁監舉三舍積優調溫陵郡博士四考循從政郎

監行在卓料場未上改轉文林郎除太學錄兵戈橫

放蒲海雲以招撫幘辟儒學提舉辟俱不就邑燬於

盜公居深密而強梗不敢犯殿門溫故書殿音度邑



黃四女集卷四  
金  
宰張梅溪某來即家起領學事公勉一出新廟學振  
文風張爲行省都事以公行蹟薦聞公已勇退淡泊  
無宦情矣自號此堂寡言慎行居鄉事上信友無貴  
賤老少一以謙和所謂泰而不驕者耄雖及而未嘗  
一食息廢學所謂俯焉孳孳者儒書外喜讀關老子  
繕生養性所謂修身以俟者其可敬也夫公之先大  
將軍從輝自富沙領軍鎮歸化即今邑因家焉洎公  
十二世矣曾大父某監潭州南岳廟大父某通直郎  
父某從政郎容州判官母三華陳封州某之女所生  
母蕭氏配亦廬陵尉蕭某之女公之栖辟雍也孺人

治家課兒一不以諉公丈夫子二長繼與南劔路延  
平書院山長次某孫某某孺人甲午冬先卒葬于墓  
湖生於丙戌二月某日乙未十一月二十一日終于  
家壽八十二卜以戊申臘某日窆公三湖祖塋之右  
承公志也余間居無四方之役於公無一面之雅公  
之孤某不遠寓書兒梓以銘文屬余後死者得托名  
於不腐焉敢以哀涸辭迺叙公世族行義年而銘  
曰

天何爲哉奪有道士人生大齊百且夜耳譬諸流  
水流者止矣譬諸行客行者歸矣然而歸者未嘗



歸止者未嘗止詩書之澤流聖賢之道行不在其身則在其子孫孫子旭日東升又旦之始嗚呼此堂死乎不死

隱君子林君亨之墓銘

莆士大夫郡仙遊莆巖邑羅峰林氏仙遊右姓有以文藝官其族者有以耆老望其里者有以詩書世其家者余心慕之忻忻然一日過平詩人春山許許讀堂上畫像甚古望之鶴骨松貌川淳水谷虛蕭然如雲水人使余已在塵壒之外曰此方山子季常與春山曰吾先君紫陽翁也像之右楷法端勁峭快贊之

即之貧賤自若王公不趨以此自處是名村夫此口贊

之詞下文故曰翁自贊也細讀乃見翁自贊也曰此東郊仲塗與嗚呼

可以想見其為人矣此一句結問先諱曰大有名亨

之字以字行紫陽翁其別號也問世出曰唐侍御史

藻遠祖也太中公茂宗五世祖也累贈朝散去大夫

巨曾王父也朝奉郎添差通判江州一鸚王父也宣

教郎知南康郡都昌縣考也問年曰三百九十有

二甲子也隱六十五歲有奇問娶曰夫人葉氏正簡公顯之

曾孫女也問子姓曰男霖龍終承信郎監潮州鮑浦

場為伯父後者雷龍也妻進士葉國佐者女也世雄



承信郎閩廣宣撫大使司計議死于兵者孫也問學  
 行年曰先君年十六即棄舉子業曰三場焉能名世  
 千里求師授六經學不肯為章句儒老猶書眼如月  
 暇則觴客賦詩深酌細論自解謫仙坡老妙處殆異  
 乎弄筆生皓首不能離場屋者十四字先君女兄弟  
 抑齋忠肅陳公領招捕使時求士可容者以上清逸處  
抑齋考之抑齋即身之女兒先君甫弱冠練事若素  
弟之夫也忠肅公陳韓也宦器為偉人以官聞於朝搖手止止勿破戒殆異乎  
 豪士俠客夤緣僥倖以發身者十五字咸淳改元寵  
 秩高年先君以雷龍名薦書故恩錫初階命書下一

御冠裳拜於庭退解褐如它日語子孫曰生稱善人  
 死表於墓曰處士吾願畢矣殆異乎織夫窶人晚名  
 一官沾沾自喜者十六字余曰不試進士如伊陽伯  
 不拜聘爵如擊壤翁夫也中之矣春山又曰先君事  
 親孝持身潔者義樂施志節可託緩急莫年闢藏室  
 編讀方外書人疑其為三景弟子而不知學伯陽也

三景中景外景謂三景九道通三景稱三景弟子魏  
伯陽作參同契二卷借又象納甲之法寓行持進退  
 之將謝人封撫琴談笑端坐委蛻莊子言氣自視家人  
 無戀戀意人疑其為仙臺郎而不知似東明也侯道華晨  
手謝衆曰玉皇詔我為仙臺郎今去矣洞余乃問卒葬于  
 天六官人死至其中各有職文王為東明



卒則戊辰四月二十八日葬則其年十月二十日也  
 邑之慈孝里西明山所葬之麓也後一星終十一月  
 庚申更葬之年月日也葬者霖龍更葬者雷龍也楠  
 柩窀穸如初禮也長埋曰窀穸長夜曰窆雖更葬不  
 改宅也不改宅何有舊也春山又涕下不能禁曰葬  
 也者藏也子而藏其親孝斯終矣易墓非古喪不可  
 不深長思也葬之又更葬於余心有大不獲已者昔  
 人有云蓋棺事了由今言之了猶未了乾凶慘慘盜  
 賊攘攘百室之邑生者或可以隱死而埋藏地下者  
 曾不得安乎若堂若坊夫子曰吾見封之若堂者見之若坊者矣檀弓堂坊皆襲

形荒炬野草雨夜風晨昭明焄蒿朱子曰鬼神之露光處是昭明其氣  
 是焄蒿不與萬物共盡安知不怒號而悲鳴人間別  
 無冤事孝子創鉅痛甚創瘡通傷也痛也禮記頭有創則沐又刀傷未合曹參身  
 被十宜於此焉變矣更葬云乎哉十餘年間夫祝予  
 天祝予吾所生父不幸大故吾兄死吾從子又死春  
 餘展墓予立捧奠思所以為後者不可食息少遼  
 緩更葬云乎哉元祐子孫一片精白後輩不知給事  
 胡公知之予知我者願昇斯文光此壤樹余亦有愴  
 於子懷不知哀之來處遂以所聞於春山者書曰有  
 宋隱君子林君亨之墓迪功郎不書成君志也春山



即君之仲子雷龍世其學者官侵漸也貴顯矣今食于家爵以不書書已揭銘宰上曰

吁嗟夫君友羊裘

晉蔣元卿開竹逕有羊仲裘仲與為友

鼻端不麤

諳利名鈎死生夜旦等浮休冷

平聲然御風逍遙遊

空餘駿骨局巖幽寒沙捲地岨音齊州蒼生破碎

天為愁九京紛紛離此郵星飛枕化託留侯櫝而

藏之難也收體魄既宅神棲留白鶴柱頭嗟井丘

表獨立兮山之陬一醉寒泉蘋藻羞有來者那問

松楸仰看河漢占斗牛時雨將降雲油油詩書之

澤百世流

### 貢士洪德章墓誌銘

丁卯貢士洪德章諱巖虎余親友也自號吾圃里人

但以字行弱冠拜鄉先生鄭獻翁為師言呐呐然如

不出口而以詞賦鳴世鄉校選場餘子俱避三舍晚

年工五七言詩日鍛月鍊妙處入神有小技存藁軒

渠集余為之序外有講藁二卷余賞識之德章大父

奕孫自孝義里寧海鎮析居郡右父一之月書季攷

婁古魁亞

婁音呂左傳牛馬維婁

有屋一間介于諸林之側林

人眾故湫隘囂塵闢而新之左右丈尺不可得諸林

門戶熱時以氣凌人獨於此老敬其長者曰此下宋



傑僚友迨諸郎競爽林戒兒姪曰隣家子有錚錚異  
日俱青雲器爾曹宜折節下之德章果拔解天迴地  
游林冷如灰言諸林昔日熱今日冷也洪升如日仲叔季不幸早  
世獨德章為第一流授門徒累東脩買隣地治圃種  
花澆蔬視簞瓢猶山雌然明明在上百官牛羊亦山雌也  
亦山雌也士無科目舍學校馬之會師闡選諸縣學官人  
競善地德章退注興化縣教諭囑伯子應門戶應音當  
也仍挈仲子坐萬山中朝晡盃飯燒芋咬菜課諸生  
外翁季唱和人或不知無愠色大德丙午代者將至  
衿佩歌餞亦無喜色秋丁後微得滯後疾別歸問醫

及門信

平聲

宿整巾而逝九月十二日巳卯也生於己

亥十一月丁亥年六十有八性不喜音喜飲每好飲余

飲半談星行婁語余曰某事先生之日尚長渠豈也料

德章命止於斯前娶陳氏其母族也生男珠繼陸氏

生男希文女二適林清父林員孫孫恩年甫十四德

章在時為其配卜葬靈川里洪庄澗之原蓋四世樂

斯丘也二孤卜丁未某月某日奉匱窆余不待孤之

請而銘其宰曰

荀子仲尼謂子貢曰生無所息望其擴翠如也宰如也讀如也鬲如也則

知所息古文曰宰上之木以此

後之達縣博士不如前之榮鄉貢郎區區升斗之



祿而俾壽之不將伸於彼而屈於此憤憤音憤心亂也

不可曉兮彼蒼陟彼岵瞻望父兮痛哉厚夜之長

左傳註奄厚交夜厚夜長夜也稽諸卜筮終然允臧子孫孫子書

種綿綿留待墳前桂子之芳

夏宣武將軍墓誌銘

天運有別合山岳有故新從漢遊者多猛士隸秦府

者俱將才而籍飛騎歌都護孰無雲起龍驤之思舉驤

也若夏宣武蓋以豪雋而乘明時而成榮聞者也宣

武諱璟字元臣其先自淮入閩占籍于泉帳前總轄

隱夫之孫閭門宣贊必勝之子宣武舊忠訓郎殿前

司左翼軍統領智足應變勇足御軍功足決勝海雲

蒲平章器愛之河漢改色車書共道帥殷士而侯服

筐玄黃而臣附是時奔走先後捷瑞安捷温陵捷三

陽宣武之力居多觀其所使知在上之德觀其所主

知在下之能平章舉最太史書勲迺刻符印以償優

勞宣命下初武德將軍管軍千戶再宣武將軍管軍

總管三管軍上千戶散官如故若省都鎮撫福泉興

化鎮守又行省累署表也宣武號存齋資厖厚性寬

慈持身廉勤同士甘苦時平固圉養馬也雖憚單騎之

嚴明文書省約亦樂將軍之簡易鞍馬餘閑喜延勝



彥絃壺娛笑於鄉黨姻舊敬尊已者慈下已者友敵  
 已者一無間言驥<sub>音</sub>踠<sub>音</sub>曲<sub>音</sub>鴻墜大德庚子十一月二  
 十一日感微恙終於三山治所其生之年戊申九月  
 初六壽五十三娶曾氏繼丁氏男定保才出以父任  
 賜黃組昭信校尉福州新軍上千戶捧萬戶府檄鎮  
 守興化路娶尤宣慰孫女它姬子觀僧失明應保尚  
 幼長女歸莊刑部子在次歸陳天賜孫男太順女一  
 定保卜以丙午某月某日奉匱窆晉江楞伽山前期  
 下馬訪余泣曰孤不孝抱陟岵之痛舊嘗執經師門  
 願丐令辭俾光壤樹余憐其言哀諾而銘曰

嗚呼宣武奮身右科寵功之典不一猶未脫矢石  
 之勞嗣爵之德至渥宜爾受山河之褒不假之年  
 者天西風噓送於雲蘿克濟其美者子異時積閔  
 於節旄嗚呼宣武死奚可憾竟即安乎<sub>墓</sub>藪<sub>穴</sub>  
 也

薛君立墓誌銘

興化吉了薛自侍御史廷霸給事中元鼎來莆前埭  
 薛南海令之穆又自吉了來穆生一興興生阿小小  
 生君立諱鸞睟而孤母鄭氏携就外家教養嚴教李  
 天隱器愛之余與君立居相近知相諗<sub>音忍</sub>告也<sub>音</sub>鬻<sub>音</sub>齒<sub>音</sub>引



誦數百言成童命題立就弱冠志銳場屋迨至元改  
物余捕播深密解后君立號泣旻天吾母未知存否  
禱之吉余酌以酒別去君立訪母果無恙孝通神明  
如此戶外事殷征繇趣迫勉受鈔庫使無何以母老  
辭母喪甫祥又科治賦君立因號鐵耕道人痛念先  
廬弗忍棄基撤舊起廢堂寢雖安廳事未完里中子  
航海遭寇死君立曰吾舊也讐言必復間關瘴區獲寇  
抵罪暑歸發瘡卻醫遂不起病年四十五大德己亥  
八月二十五日也君立生於某月某日佚蕩有膽畧  
凡事不與神謀唯決諸心皂白人物無銖兩差葬諸

父以禮待親舊以誠雅不喜飲風月佳時觴客少飲  
而未嘗醉娶彭氏生男二長烏公次白公女學道紫  
澤觀孫女二烏公下丙午臘月庚申崩柩于常太里  
滄溪橋西原哭徵銘余猶記天隱酒邊語余君立踰  
三十福力未可量第恐發之驟享之淺今知天隱之  
言信哀而予銘詩曰

婦持門戶勝大丈夫兒肯堂構

書曰厥父基厥子乃弗肯堂矧肯構

異六尺孤

六尺十五歲以下也周禮云國中自七尺以及六十野自六尺以及六十五皆

征之韓傳曰國中二十行役則七尺者二十歲也其升降皆以五為率則六尺者十五歲也

時聽屈信之運應變無悔吝之虞嗚呼君立有子



也夫瞻彼堂坊山川縈紆君立體魄其安之乎詩  
書苗裔其茲茲乎

故通守太學博士介山林公墓銘

故介山林公諱寢協字若山丙辰大對鼇峯陳公某  
讀公策曰得此士可魁天下參詳官以言太直沮公  
對人語狀元不做何恨吾母不見吾一第大可恨又  
八年以太學博士添差建寧府通判又四年冬不候  
代歸劔守迎公溪鐔飲餞賦詩直聲曾向榻前博先  
帝褒加已十年不是主司迷李廌廌為東坡客坡知  
貢舉廌下第坡送  
之詩云過眼終迷日五色只緣通判屬齊賢太祖幸洛齊賢獻十  
事帝謂曰汝可輔我

為相後有司選齊賢下第帝  
不悅一榜特與京官通判守即鼇峯意猶以前事

為公惜便道之福清縣館內子孺人方氏家跋涉無

恙恙毒虫喜傷人古人草居  
露宿故相勞問必曰無恙又明年己巳正月感末

疾卒累官承議郎年五十四孤陶繫繫返匱說音說

脫禮說笏說軸轉載極  
車蓋大夫布士葦席後渴葬甚不及時謂之渴葬  
過時謂之慢葬

化變而嬪向出衣冠蕩析壬午臘月丙申始崩于尊

賢里秋竹原葬迫陶書來曰先生父執幸賜銘余通

播不暇諾比一再泣告余先君宰木之葉再易蹇叔  
日宰

上之木拱  
矣宰冢也不表茲阡陶非孝余退考公氏族三山石

井人初從游洋後占籍郡左王大父某成忠郎王父



某松門居士父贈宣教郎為儒聞家至公則門益大  
公七歲失怙家窮約母贈孺人游氏督教有方公不  
好弄委已從師日手抄夜暗誦少長文宿意新妙年  
與計偕升辟雍拔胄解魁舍選中進士乙科青霄步  
武健者登梯舉足愈高遠調郢州教授改監京局未  
上尹漕繼卒幙事殷參決無留不茹不吐居無何除  
工部架閣文字國子錄太學博士凡所薦皆名侍從  
券內官職如稼而獲不丐而有郤授員外司馬家食  
課兒時貴不知有此寄公暨造音湊會府七邑訟累  
政不能決公譬禍福曉理義兩造交讓治司綱五年

不及補公却例卷捐已俸官吏愧服夏五水漂民民  
仰存活公白庾臺曰孰重迺開義廩恩貢增額郡欲  
扞格公護棘圍曰宜寬果得異能朔齋劉公召公被  
旨承乏半錢勺酒不支府帑贏數千緡終更出關者  
宿遶道有百餘人歟後擁一大旗書徹底清三字留  
去余每侍飲從頌語公士夫持身如玉須無點音泥  
也汚科第官爵可致欲無慙難公惟無慙故不受泥學  
有本原矣甫自艾軒老仙去朱晦翁客復齋陳公仰  
止堂吾道盡付滄洲後翁門人瓜山潘公來復齋帥  
里居良士禮東嚮席時西岳顧君立先君德遠號尊



足魯兀者無趾踵見仲尼仲尼曰子不謹犯患今來何及兀曰吾惟輕用吾身是以無足今吾來也猶有尊足者存註云尊足則一足未潘陳二師繼歿公足以虧其德明夫形骸者逆旅也

拜西岳西岳又歿公拜先君永矢靡它公需次先君

屈公書堂月講先後未三載先君與公下世天乎公

本孝友實踐履嚴進退審義利於是八九歲時謂鄉

校人人先奪即不肯入客京師時束脩奉母粗糲費

外悉歸仲氏伯父園山公當臺時公以子姪侍書策

謁請一不聽內舍積優欠進士級併報母疾公亟輟

試駕湍南下入門不見毋哀幾毀將徙月樂王肅云是月禱

徙月舍期復迫公寧遲遲一詔掌固實時平湖陳公

榻前特奏林某道德文章超異流俗公初不知後亦

不謝拜學官時北地薄福建子無賢否例罷獨器賞

公公不為動丐外補時西澗葉公強留少須一除可

得美郡公以書生寧不求多對在富沙時西澗登庸

同寅勸公問鈞公以一字不入帝城卻彼詭御者貫

小人乘疾顛者敗覆車下視公所學所守可以少愧

公白而長身安恬和易飲止梧杓偶微醺即哦杜詩

坡詞上聲下下聲倨微句甚皆中律同歌者上如杭下

中鈞六律合陽聲六同合陰聲律以散語平粹儷語

雅則邈有清韻殊嗇厚福陶送死皇皇事生業業大



者既識公志必傳陶之子 女 於公為孫余追

念死友猶記軼事收涕次其語銘曰

昔坐齋牕書罷杓音標北斗前四星為杓移夢汝先人

對床話私士甲乙伍爾雄衆雌官止別駕見州勿

為後兩大試前言中之建古三刀晉王濬夢懸三

刀李毅曰明府其越俎而尸老子曰庖人雖不治

臨益州乎果然特以占法原數盡化期介山訊予成是邪非越再

星終琴鶴歸里一外館甥老兵假寐聞萬啾聲曰

迎福師視之乃公覺相驚異明日而五疾不可諱

氣體流通咸陟二巫騎音騎漢五行致司隸何心

非醉非寐彼冥之間疑有是事聰明正直柱國聞

羅玉堂給札訣語又何賢如精氣非物君嵩不騎

箕去猗麟鳳那千萬億年如水行地龍魚去矣科

斗子蛙瑣尾相爾未裔故書盈度音竟爾緒業吉祥

止止重曰夢之占嚮可徵兮著之命令如神兮墨

筆操牘問所以然兮於卦遇同人之乾兮

故梅西先生郭教授墓銘

梅西先生魁壘士也漢鮑宣傳魁壘於夷白鄭鉞異

姓兄弟於滄邊號郭廷煒同宗兄弟大德乙巳秋先

生客二兄所走也周旋其間視予猶叔度也先生和



余十聲韻歲晚七絕余亦有重約十年又十年之詩

別半暮舊對自北來揚伯起家童名阿過門語余甫

新博士又我先生余呼樽喜劇時丙午歲後陔二月

月也無何先生書來它日黨堪一行去秋之約殆天

啓之未一月先生凶問至人能料生渠能料死嗚呼

先生昔陸子壽再調郡文學掾未上而歿區區尋尺

之祿棄如脫屣宰物者亦不與之年命與數也然子

壽所以傳不朽者正不計官資之崇庠音婢歲月之脩

短我先生似之先生舊客授時以方石巖公權為愛

友余為畏友風日佳時登時觴詠石巖偕商確理義

磋磨平粹唯余訪問羶寒燈青握手軟語四如禮學

精邃願叩兩端易與四書僕雖有述然不敢示吾四

如遲六七十脫藁就正然否未晚也前於泉山繼於

吳江閑居於里閭與守令佐矜佩講畫者皆學問之

大端經濟之要務長篇近體樂府散語翰墨餘事耳

晚輩以此知我先生淺之為丈夫也先生之學得於

家傳先生之行無一不可以語人者其事母孝生業

業死皇皇其待人恕內德外怡怡又余耳目所睹

記此先生所以為先生先生諱堂字德基其世出自

光之固始來家長樂芝山曾王父某王父某以文學



黃四女集卷四  
稱號書厨家父存齋翁某春秋傳論畫掃塵腐登壬  
辰第終合浦教授先生甫十一歲母夫人林氏力貧  
教督以至成立甲戌補國子生將積外優貢舉停矣  
知先生者馮公某張公某商公某趙公某陳公某潘  
公某賈公某最最者翰林學士雪樓程公某也或輓  
或推先生淡與泊遭苟焉為貧奚音奔車之上所養  
者大也初號梅西居士中號息齋末後號六平山人  
公卿大夫士但以梅西稱以是知先生之心先生以  
乙巳九月二十九日生今春清明詣張令尹某燕席  
翊日徧謁親舊歸猶課僕種葵丙夜赴玉樓召  
李賀夢人

生曰天帝白玉樓成請君為記遂卒二月十八也春秋六十二嗚呼先  
生二丈夫子長履行入書學博士選遽奪所天次昂  
女子一適進士陳某先一年天履下五月二十七丙  
申奉柩壙于穫嶺原先塋之側不遠伴來徵銘余日  
以詩哭尚忍銘乎哉然前此余銘先生之母夫人今  
焉敢辭收涕銘曰

嗚呼先生貞不絕俗近於時行危言遜近於知獎  
士成名近於仁其類有道者歟唯有道而諧乎古  
故盡道而令其終也固可重為斯文惜惟有子而  
續其世也又可為斯文幸先生之期其子蓋異乎



人之期余之期先生之子亦然遂銘先生之窾音  
也庶人與先生之書而俱傳

太孺人林氏墓誌銘

莆郡文學掾梅西郭先生名之母太孺人林氏以至

元癸巳五月六日卒于寓舍年七十七先庚寅冬梅

西載道來南僅一蒼頭自隨明年春始迎養太孺人

學如舟室如斗糲飯茹薇母子怡如設悅之旦諸生

講升堂拜太孺人簡脂澤膚色勝杯杓列子渴問沛

不勝不類諄諄者暇日佐婦箴即針縷課孫吾伊三

端午猶酌艾端午節詰朝日加午無它恙遽為歸人

言初三端午猶飲艾梅西授代未能歸室不幸親喪

酒而次日即死也未即返輅音青喪貧故之以梅西言語妙天下莆士

友孰不愛之而莫助之龜毛成羶坡詩云刮毛龜背

豈不難難梅西號泣語叟曰先君存齋丞蕭山時吾

母相其貧不廢禮成其廉不失義視官祿上下節縮

供賓祭餘則置苟簡之田先君晚年懶宦未幾無祿

墜甫年十有一吾母單持督從師嚴脫簪珥致束脩

夜對膏火必從旁紉緝達曙不寐歲甲戌墜補國學

生吾母喜曰吾今可以見乃翁九京矣天運回旋人

世故新吾母戚戚唯恐吾之不顯融蓋期以遠者大

黃白口集卷四



者不但一博士耳痛哉吾母喪矣亡矣墜若何酬母  
 之志墜將以是年某月奉匱歸葬于先君獲嶺西之  
 原叟知余者幸與吾母銘以寫余哀吁閨閫常德誌  
 婦人不宜書太孺人教子如軻言太孺人能如孟母  
 三比之教而成其子  
 如孟軻也之賢也有歐陽氏母家訓見龍岡  
 碑表獨不宜書歟甫距  
 長樂倍三舍三十五里  
 為一舍草凍樹枯丹旒淒淒梅西望  
 國望鄉哭如何其嗚呼太孺人諱道靜存齋先生之  
 次妃存齋精春秋學魁辛卯鄉書第壬辰進士官止  
 廉州教授男墜也孫履昂孫女一人銘曰  
 閨門恭約得温温家以善積子名聞存齋之書今

故存露楸雲塚藏瑤琨相厥夫君利後昆涵暉發  
 祥紛輪囷慶雲歌蕭索輪囷輪  
 困屈曲盤戾貌  
 壽藏自誌

唐御史黃文江滔之十二代孫仲元字善甫辛卯十  
 月廿八日生高大父充漕貢進士曾大父必彰大父  
 汝守脩職郎父績表德遠為鄉先生晚號獨不懼翁  
 二母俱宋監丞藻之孫沙丞克剛之女余十二喪母  
 然已工舉子業鄉校婁音占魁亞壬子理宗純祐  
 十二年預  
 計偕太常郡國歲計上最簿詣京所徵  
 之人縣次績食與偕來也報罷與孤山  
 陳端然可山陳文翁中外表刻意讀潘陳三先生書



雖不甚解然必窮旨趣使自得之翁集四書為近思

本錄未脫藁余日夕刪補翁有詩曰深為助我喜敢

作譽兒癡王福時少子勸亦有文常詫韓餘力自韓

柳歐曾文外手抄二百四十二家汪龍溪洪景盧題

於集後妄意貶剥翁語仲元曰吾兒萬一成立末節

必不漏逗音豆留也住也及掇邵堯夫善人吟以四如自號

翁又喜曰難難但勿過飲於號斯稱逮聚徒發策呂

周元公問行義多大成集所不載翁代季子仲固答

且謂非吾兒不能問非老父不能對烏山一見器賞

館樵川山歿烏山即方澄孫余坐家不殖生產事如

母繼母也起孝起敬歲輟學職俸及東脩四之三為菽

水歡寄食富沙樗翁三薦達於朔齋劉公余不謁見

公語材太博曰此兄當於古君子中求之歲辛未度

咸淳七年省闈文本心以論策寘第五廷對以直言忤時

宰賜同進士出身張鎮孫榜第五甲四十有一矢調監瑞安

府比較務需次食貧如心貽書常齋俾就二劉祠堂

一月兩講為學者師董之者後坡劉求志也癸酉捧

檄考類試歸過鐔津古崖江公留郡齋古崖先生萬

州即古心先生萬里之第載之匯江席未温古心先生買舟速余

芝山將及期告假省親抵里門十日鄙被丘龍顛虎倒

...



余幸苟活時甲戌臘月也乙亥

德祐改元也

冬之官守相

陳山泉虛經博士席相處不就屈余入幙有強民挾

貴不禮稅官者有頑佃廿載不納主租者有妄首富

家造麪者一見剖決泉喜得人無何泉罷以書別余

君來我去彼此無福丙子春端明陸君實

秀夫至自平

江偶同邸一交臂再三褒歎古雅可敬待如子姓飲

食必俱入夜炙燭對酌劇談曙動共飯迺出及聞杭

陷挑包辭歸既資送余又留行橐夏五趣余行都克

益王府撰述官兼處置使司幹辦公事又改刑工部

架閣

改刑工部乃端宗即位改元景炎時也

以通直郎陞武學諭不兼

旬得五京剡處置使楊公刑侍應公祭酒許公少傅

張公一實翁也遂轉朝奉郎國子監簿兼福建路招

捕使司都參議官雖荷已知竊天寵然未嘗供一日

職升斗不批券曆斯時何時毅而恥也實齋拜樞使

猶命撫諭使毛公邀余同舟將有異除余力以母老

辭及聞公全家投海余哭公詩人皆傳已死僕尚愛

其生公忠義終古不朽而余猶為人猗古崖於余異

姓兄弟有四如吟最簡古實翁於余異姓父子題種

讀詩極理致卓樂山以易解囑余叙篇端未七日而

樂山亦以兵死末着渠不可料如此余當潮汐洶湧



之衝嘗著檇杙集識此邦之仕於朝者與士而求仕  
及他州士夫仕於此邦者不敢出客丁丑屠城之變  
丁丑景炎二年也此集與前後告身無存言之如夢然老身  
自甲戌冬混迹大化音死者數客芝山而免客瑞  
安而免客碧溪王洋而免客環泉而免可謂不幸之  
大幸非宰物者執相之尺絲寸縷不留著身又執念  
之家世清白石田茅屋二親歿後余不與叔季分財  
東西南北又不殖生產家道敝又敝矣余三十方娶  
斗軒先生丁南二之女斗軒懷安人辛巳歲以同產弟  
仲會之子子材為嗣余命屬木於五行欠水人世趨

新余以四字從水虔卜先君拈得淵字北山方公為  
字天叟改號韻鄉水生木故子材名梓余舊旅食它  
州即傾囊買異書歸干戈橫放盜竊兵燬雖欲讀無  
可借所著學記農談欠改春秋說止閔公欠續他散  
雜寸片亦未上藁蓋無暇披揀亦無傭書者嘗夢感  
麟翁遺余雙筆志欲脩史而未果大槩見於夢筆記  
矣一生不能歌樂府詩亦不甚工嘗自以四端差欠  
智六極占居貧一聯為得句暮年雪髮書案黏音稿  
音梨黏相黏著也稿亦是黏戶外事不到耳間有聽談經者大抵  
如越人之視章甫宋人資章甫而適諸越越人斷髮文身無所用之出莊子道



世交喪

緜性篇云道與世交相喪也

殊亦可歎孫疇祖名燾字喬

年光祖名熙字昌年義又取木生火也女孫名應娘

皆子材婦林氏出林癸卯秋中蚤世仰事俯育子材

殊亦難難子材於乙巳臘月為余營一貉之丘於篠

塘原余甚樂焉殆天作地藏吾祖留以遺余犬馬之

齒行耄及矣書債未了俛焉孳孳萬一應盡便盡

便盡二語出陶集何憂何懼昭武在軒黃公紹嘗許余文艾

夜之太白殘年之卷施子材異時當為余彙粹

文以成余志子材課兩兒郎讀本分書毋差塗轍得

壽斯文一脉以昌我后之人此則老夫區區願望不

然目不瞑於九京大德十禩

大德元成宗年號

丙午立春第

三日四如老叟自誌



有宋福建莆陽黃仲元四如先生文集卷四 郎文煥寫

有宋福建莆陽黃仲元四如先生文集卷全  
上江古心先生書

古者士之摯雉若見於師以菜為摯曷為或以雉或以菜雉言介也菜言繫也士不介不繫不敢見然士之見於周公者十人三十人百餘人千餘人何多周公於十人三十人百餘人千餘人中僅得三士何少周之士俱自好亦將大人以成名乎公好士如不及亦為之厚薄貌乎舍三士他無人乎漢不古摯禮廢掃門者艱於一見不嫁者禮之上賓魏勃掃門見曹相國見曹相國曰婦有夫死三日嫁者有幽居不嫁者求婦何取曰不嫁者通曰求臣亦猶是東郭先生梁石



君齊隱居不嫁願禮宰天下士者必有所擇唐之士  
之相國皆以為上賓擊以文貴之甚賤之甚以古文倡者光範之伏其氣  
 餒釋言之辨其辭費芻米僕賃之急其得小不免為  
 今之人我朝諸賢犖犖可外文字猶用片言擊於  
 王公矧碌碌者疇能自異然則某固願聞名於將命  
 者何也古心先生一代不數人百年能幾見者也某  
 生長東南非不知有伯淳范祖禹謂顏子不貳過惟伯淳能之時陳瑩中不識  
伯淳作責沈文以自責雲山塹隔伏謁無路今詣康廬登龍門  
 矣然與其相羊於某丘某水先生舊所釣蔣之處使  
 人意遐而清不若侍坐於書冊琴瑟之前得見宗廟

百官之富崑崙在望滄海在前而猶不即猶空此生  
 如獲一見相國矣將與四方奇士交譽盛德歟某言  
內訥音辛拙音政不能譽縱譽之一把泰山不加益國  
 憂如髮士低如鼠李斯少時見廁中鼠食不潔近犬人  
如鼠矣不時人之耳目在先生公論之標表在先  
 生世道之輕重天下之安危在先生九州四海孰不  
 期先生之再提一筆入福蒼生也大臣身在江湖心  
 在魏闕一處一出與陰陽相為消長亦必有道又非  
 兒童走卒之所能知前脩偉人魏野一詩獨勸子明  
王旦以退明允一書獨愛富公以德某也始見安敢



輕浮作此躁語將謂孫家同榜子弟當以禮拜沂公  
 歟寒門落落望雲霄閣如梯天政不敢自陳家世事  
 分於相國也將謂文潛客於少公文潛張萊也少公  
 穎濱也文潛淮陰  
 人與晁秦黃吳四先生並從東坡遊張初將學於陳  
 學官轍愛之因賦亦深知而稱其一唱三嘆  
 亦當與晁秦黃學士師事長公歟晁補之秦觀黃顛  
 廷堅東坡長公顛  
 頓視姬姜自覺形穢政不敢居叅門館下士於相國  
 也否則以所業徹於相國歟某生為人又為丈夫固  
 不可與空生物穢天壤間然書可成也仲塗十年一  
 書不遠語之門人程易傳寂晚出且謂說得七分史  
 可脩也唐鑑多有好處亟戒開封毀板新唐書經歐

宋名筆猶無一毫前漢義理微密工夫浩大二事俱  
 難草草文可工也語言妙天下者讀同列一疏乃遂  
 不復自為人目為夫子者作六經閣記終不可主公  
 意詩可學也建安黃初暨晚唐幾千百家獨予美不  
 可擬議江西宗派呂居仁以歌詩至豫章大出而學  
 者同作共和錄其名曰江西宗派  
 以其源流皆出豫章也傳衣付鉢范質舉進士主文  
 陳無已以下凡十四人  
 欲傳老夫不如西湖處士以水影月香一聯行世苟  
 焉引筆行墨髮萬聲嗽恐非當行家非不欲為之不  
 敢易為也就為之如北方婦人見者齒矧山海經云  
 婦人列子名曰今之世惟古心先生傳遠之書名世之



史金石之文絃歌之詩與易詩書禮樂春秋等不知  
 可與陳無已盡言否某願執經焉又否則見相國當  
 談政事不談文學歟某謂六經四書言言是理言言  
 是用一部論語趙後先可事兩朝正心誠意四字殊  
 中塗可持告君彼行河之禹貢復讎之春秋傷財害  
 民之國服為息國服謂生民於國所服之閑農圃類也息者保之使生息也出周禮泉府  
 王王安石石謬引注疏以息者保之惟讀錯故用錯讀書正要有用  
 為利息而行青苗之法書亦正未易讀冠仕冠棄壯仕壯棄某則不敢一行  
 試吏成公昭之官箴西山真氏之政經一一可以為訓  
 若臨大事當於六一翁處學來今之世惟古心先生

清忠粹德豐功盛烈載旂常銘鼎彝與臯伊傳呂周  
 召並不知可與蘇子言容平生本末否某願聞為邦  
 焉然則某之來無所攀而敢見乎曰不介不縈不敢  
 見某於道之秋毫百未得一然某之學傳於先君子  
 績先君子傳於瓜山潘柄復齋陳安復齋瓜山親傳  
 文公勉齋之學者也學孰大立身行已為大時若命  
 謀位與材會不憂不通顯欲得汗青一幅芬芳百世  
 則實難難故脫凡近志高明陋希世友千古居於家  
 凜凜乎如處女之在閨處於鄉兢兢乎如懷千金之  
 璧而行不待謁刺飾游聲人故識面者少不作一皴



眉事亦不受人指點以廷對見君父第一步直透剛  
 腸所欲言者一落千丈無戚容以一命之士皆可行  
 志求為步兵而歸麓冗淹速不屑意人或朝得軒裳  
 暮馳奔車之上乃獨退然歟戶與孔門冠童者遊遊  
 古切人或倚一郡為北道主人鄧晨為常山守王郎  
 從光武日從我不如以一竊竊焉俎豆從事之列乃  
 獨謝以為煩願從子弟尋劉公父子讀書處則某之  
 所存亦少異乎人也昔黃叔度之賢無一見於外而  
 林宗重之李仲元蜀不持一字於揚雄之門而法言  
 書之滄之不濁者其志繫林宗遊汝南往從憲累方

濁之不清滄之不濁不可量也 不屈不累其行介故可重可書今有

人馬氏名與二子同志行與二子同古崖既取之於

驪黃牝牡之外矣古心先生天眼一眴儻歆然曰若

士也為子必孝為臣必忠必不讀父書而敗趙括必不

游師門而叛必不兩來張師德必不三變商君帝王伯

公以帝道不聽又以王道不入終以伯道公與語不自知膝之前席也 進而教之又幸

也仰惟古心先生之心先知覺後知先覺覺後覺之

心也已欲立而立人已欲達而達人之心也此心流

行天地並生物我同體相國之門未有一人不為道

周德全之士豈但薦藉華寵其身哉某故願先生輔



之翼之振德之某之挈挈而來也思拜羽儀如渴如  
飢五步十步盤紆樊中脩摯師門又何遲也若曰子  
來幾日然後求見長者則克之罪大若曰彼亦人耳  
傲將何求則愈之過小恃此無恐先生儻與其介也  
潔也某敢不立雪以請惟先生亮之

有宋莆陽黃四如先生考終東里黃族祭文

則陽四七維公初度綵闌洗腆致用清醑豈伊異人  
耄少和儒公於是時烝衍樂胥促席鳴儔咏猶斯舞  
油油三爵燦燦霞炬筵空坐散醉極而寤謂公從福  
百齡未暮後騎勿驅前山可數暢月生明陽回一縷  
訝公不庭鼯睡卓午翼旦候公琅琅耳語謂公介疾  
猶可以愈榮枯糟沉何奪之遽全歸胡慚示別有裕  
所不粹者井蛇樹鼠公真至人達於死生晝夜之故  
嗚呼公之學問不守誦詒公之詞章自諧律呂五韻  
六經九易十鼓弗圖未爲見此音古後孔而生曷探



其緒茫茫堪輿能言幾許於乎鄉失典刑族無長錘  
八壺水遠孰斯文主品樹陰成誰讀書祖瑣瑣林林  
百千何補公像在前竟兮來雨盞筆序行穀核維族  
公寧不來我涕如雨噫嘻嗟咄

有宋莆陽黃四如先生窆東里族祭文

方春和時鳥鳴花香念茲不見使我惻愴翁遊化城  
無何有鄉濶視八極俗物茫茫遐想疇昔鳩杖襄羊  
或哦一聯或酬一觴遺韻如存俾也可忘白日千年  
埋玉隴岡雲樹窈深回首坊堂東過腹痛諒毋我傷  
惟翁德厚奕葉流光一杯黃壤發為詞章風水惟真

子孫其昌依依活酌蘅若薦芳精靈不昧庶其願享  
訖鑒此忱視翁不忘嗚呼

黃四如先生并二先生升侑鄉賢與化郡學祝文

鄉賢祠于學者惟忠惟孝以德以文表表在人耳目  
者可得而仰也邇者薦紳之士議以烏山宋先生四  
如黃先生石厓方先生升侑斯堂同時位置尸祝而  
俎豆之某職教于茲敢不以告明薦馨香伏惟尚饗  
黃四如先生升侑鄉賢與化郡學東里孫子祝文  
鄉先生祠于學古也以吾祖道脉之傳經學之遷蔚  
為儒宗邇者庠序建言謂宜俎豆於諸賢之列聿新







廢年八十二卒仲元說經間與先賢異同其爲文亦類艱深至於竒古處殆不可句云有四書講稿等書

藏于家

出名公  
事述卷

有宋莆陽黃四如先生在次見三脩黃氏族譜

萬百十七朝奉郎國子監簿四如先生諱仲元字善

甫幼名犀兕號四如居士後改名淵字天叟號韻鄉

聲翁晚年又號彥安十三貢士房千百三學正獨不

懼翁之次子也以宋紹定四年辛卯十月二十有八日

已時生年十二攻舉子業鄉校屢占魁亞淳祐十二

年壬子預薦書明年癸丑寶祐改元省試報罷咸淳七年

粹中省闈第五送對以直言忤時宰寘名張鎮孫榜

第五甲賜同進士出身拜迪功郎監瑞安府比較務

需次食貧如心陳龍因貽書常齋延先生於二劉



黃四如子卷全  
詞堂一月兩講為學者師九年醜捧檄考類試歸過  
鐔津古崖江公黻頌萬時守劔州留郡齋載之匯江  
未幾古心先生江萬里招致芝山十年艸請假歸省  
明年紀德祐改元先生始之官守相陳山泉屈致幕  
下有強民挾貴不禮稅官者又有頑佃二十年不歸  
田主之租者又有妄首富家造麴者先生一見悉為  
剖決山泉深喜得人無何山泉罷去以書別先生曰  
君來我去彼此無福又明年丙春端明陸公君實秀  
夫至自平江偶與先生同邸極加器重三月杭陷先  
生遂辭歸五月陸公趣先生赴行都充益王府撰述

官兼處置使司幹辦公事是月端宗即位改元景炎  
遷刑工部架閣以通直郎陞武學諭不兼旬得五京  
薦處置使楊公刑部侍郎應公祭酒許公少傅張公  
其一即陸公也遂轉朝奉郎國子監簿兼福建路招  
捕使司都參議官先生雖受知諸公屢膺超擢然未  
嘗供一日職未嘗食升斗之祿曰斯時而祿耻也及  
陸公拜樞使命撫諭使毛公邀先生同舟將有異除  
先生力以母老辭既易代先生遂更其名字隱居教  
授泊如也元皇慶元年壬十一月八日丑時卒享年  
八十有二葬尊賢里吳車南山之原

按先生壽藏自  
誌云乙巳臘月



營一貉之丘於篠塘而舊譜皆謂葬吳車南山意者  
初營壽藏在篠塘既卒而葬乃改營於吳車南山耳  
先生少刻意讀周程張朱呂真魏及父獨不懼翁先  
生所傳潘陳二師之書翁集四書為近思本錄先生  
日夕刪補翁有詩曰深為助我喜敢作譽兒癡復以  
以其餘力手抄唐宋名人文自韓柳歐曾外凡二百  
四十二家逮聚徒發策以周元公問行義多大成集  
所不載翁代季子仲固答且謂非吾兒不能問非老  
父不能對烏山方澄孫備人一見稱賞館於樵川烏  
山歿先生家居不殖生產歲輟學職俸及束脩以事  
如母孝敬兼盡嘗寄食富沙樗翁三薦於湖齋劉公

先生不往謁劉公語人曰此兄當於古君子中求之  
窮居怡然深入理奧文必擅弓穀梁詩必三百篇陶  
常柳州下此弗論也獨不懼翁於潘陳二師生為仰  
止之講歿有東湖之祀及卒先生推廣先志凡其見  
於脩已教人者無非仰止之懿而於東湖之崇奉尤  
拳拳焉族伯千三十通判歿所居廳事先生與諸弟  
姪得之因倡率剞以為祠以祀吾御史府君而下之  
祖即今東里黃氏思敬堂詳見嘗著禱札集識此邦  
之任於朝者與士而求仕及他州士夫仕於此邦者  
景炎二年丁屠城之變此集與前後告身俱亡又著



學記農談未及脩春秋說止閔公未及續嘗夢宣尼遺之雙筆又欲脩史而未果大槩見文集夢筆記其著述已成

而行於世者惟經史辨疑四如講稿及文稿詳見先生自誌

壽藏吳司業源所著名公事述宋學士濂等所作文集序俱載詩文內編經史辨疑今亦

亡配丁氏懷安尉斗軒先生南一之女也以弟萬百

三十一仲會季子梓為後羅源先生今祀於郡學鄉賢祠

有宋福建莆陽黃仲元四如先生夢筆記後跋

夢筆之事王元琳江文通紀少瑜李太白輦

也史不絕書異哉四如之夢是筆也實授於

孔子覺而診之曰夫子之筆既絕於獲麟矣

而又予授豈絕者將使之續歟夢筆記成持

以示僕惟君平素講明於麟筆後有感於二

千年間世運之變實飲梓會溫公之通鑑康

節之經世晦翁之綱目南軒之紀年東萊之



事記折衷而爲一書蓋志在春秋久矣思慮之極通于神明君之夢孔子猶孔子之夢周公皆其思之所存也夫春秋編年之書年必書王者所以明其大一統之義然二百四十年一周正也王綱缺裂世道分綸泮合禪仍班班見史漢唐得國近正猶可以統書外乎是有以勢力而帝天下者秦隋之類是也有以虛名而帝天下者漢少帝孺子嬰之類是

也有以女主篡臣盜賊夷狄而帝天下者如呂武莽懿後梁後唐之類是也其事皆春秋之所未有使吾夫子見之將誅絕屏黜之不懈是區區者奚足以言統而諸儒論載有所不容廢焉大抵則以年相次以統相承統之者不能皆漢唐也雖各持一說求以通之率不免於扞格切謂秉春秋之筆難續春秋之編尤難必也用春秋經世之法變春秋編年



之體庶幾其可通乎皇皇先聖夢寐臨之亦  
既覺悟君之心矣何當成書僕願自附於餘  
無黨於君用意深處而為之注釋焉

咸淳甲戌年宗簿余一謙撰

有宋福建莆陽黃仲元四如先生文藁後跋  
曩僕客授莆陽獲從監簿四如先生黃公游  
嘗熟其議論凡天地萬物萬事之理古今治  
亂興亡之變若江漢之滔滔莫詰其極而其  
文閎深高古精義入神好作一字二字或三  
字四字句勢迫曲禮檀弓不造不止蓋其學  
上接艾軒樂軒綱山諸老之傳言言根據字  
字淵源汪洋奇崛自成一家近世作者誠罕



及也爰擢高科官輟所至如吾鄉古心江公  
廬陵湏溪劉公皆一時文章宗伯莫不傾蓋  
願納交焉則其他名勝從可知已更代以來  
數戶掃讀教授鄉里立雪講下者率多奇才  
今三歲大比魏科疊出有自來也嗚呼貞元  
朝士不可復得矣以公之學雖不及見用於  
當時而隻字片言流落人間者真足以淑後  
進而範將來其功豈尋常誇一時沽一名者

之可擬哉僕曷來延平甫一載公之子子材  
適赴汀幕而其孫喬年又來為延平錄邂逅  
道舊且出公生平所著文若干卷俾僕叙其  
顛末僕非才何足以當之追惟別公幾三十  
年而僕亦老矣思芹津之嬉游懷詠觴之酬  
酢風廊燈火共話短長猶一日也壺山在眼  
獨無情乎姑勉叙疇昔交情之舊書其後若  
夫公之高風雅操與夫雄文巨冊自有燕許



大筆發揚編首且將鈔梓上之太史氏備采  
錄云至治癸亥秋九後學廬山蕭志謹跋



有宋莆陽黃四如先生文集後識

吾翁四如先生生平文章自問學中來嘗謂  
學文難學古文尤難退之子厚正奇奇正自  
出一家機軸然韓柳而上更有人在六經之  
文文也又謂爲文不在多一頌了伯倫多乎  
哉晚歲杜門讀來世書遠方士友來謁文者  
戶屢常滿酬應宿諾迄不謗藁僕東西南北  
不及時侍筆硯側八表有二山木頽壞片紙



流落於佩寶惜親友家收拾遺文董董未滿  
百篇傳人傳書此擔甚重宦學它鄉巾篋自  
隨今又十年餘矣朝夕思所以傳而困於力  
山城公假督兒繕寫亟遣鏤板不惟思所以  
傳者遠而又欲廣其傳異時携書歸里搜訪  
哀粹當爲續集與四書講彙經史辨疑並行  
庶人與書俱傳而未艾也翁名仲广善甫字  
取堯夫善人吟以四如自號舉辛未進士第

景炎德祐後名淵字天叟號韻鄉聲翁彥安  
又晚年別號云時至治癸亥立秋日男將仕  
郎汀州路總管府知事黃梓百拜謹識



有宋莆陽黃四如先生文藁後序

夫文以氣為主氣以理為主理何在聚於書  
氣無形麗於理主之者誰歟曰心也文者心  
之聲也不至乎此則奴乎彼矣天地間惟氣  
與理亘萬古而長存凡天地陰陽四時之運  
日月星辰河漢之光此氣也其所以妙變化  
而神出入現光怪而發精華者非自然之理  
乎一以貫之文其形而下之器乎孔子元氣



也文章可得而聞者贊易剛詩定書修春秋  
而已曰作則未也文歟理歟孟子英氣也自  
謂我知言我善養吾浩然之氣觀其七篇浩  
博而豪肆文歟氣歟後之立言君子舍孔孟  
奚主哉莆陽自艾軒後以文鳴世者不少以  
理為文者吾得一人焉黃四如先生是已先  
生抱道藏器戴仁履義不偶於人而達於天  
立言以垂後肆筆而成文此風行水上之文

也惟其心孔孟救時之心學孔孟明道之學  
由體達用著書滿家嘗誦其諸書講義詳明  
似經解記筆森嚴似檀弓銘筆奇崛似三傳  
皆充其剛大配義之氣而見於嬉笑怒罵之  
間特緒餘耳徒文乎哉余以年家子不及拜  
公牀下從書疇先生借一帙得寓目焉他日  
編帙彙成獲見其大全又一快也非敢曰觀  
止此矣他不敢請敬識大槩附于卷末



大明後學三山陳光庭拜書

有宋莆陽黃四如先生文藁後序

黃仲元字善甫號四如莆田人唐御史滔之  
後父績師陳宓潘栢氏為性命道德之學雖  
布衣而名重東南著四書遺說近思錄義類  
及讀畧續畧新畧傳習問答畧凡數百卷仲  
元少立志讀濂洛關閩及父績所傳潘陳二  
師之書手抄唐宋名人之文若韓柳歐曾外  
凡二百四十二家以文學盛為一時諸老所



推重至謂當於古君子中求之第宋咸淳進士前後五除官最後調國子監簿皆不赴宋亡後更其名曰淵字曰天叟又併改其四如之號而以韻鄉聲翁彥安爲稱亦可槩見其志云怡然窮居深入理奧文必擅弓穀梁詩必三百篇陶韋柳州皆以向上自處自績北面潘陳生爲仰止之講沒有東湖之祠績卒而仲元推廣先志凡其口講心授莫非傳習

仰止之懿而尤嚴東湖之崇晨必謁朔望必參二仲必釋菜暇則課守者洒掃風雨則視其蓋障惟恐有穿漏可謂善繼善志而白首父師不忘矣年八十二卒所著有經史辯疑四書講藁文藁然仲元說經四書間與先賢異同其爲文亦類以艱深至於奇古絕處讀者殆不可句云四書講藁等書藏于家  
大明洪武某年月太子賓客



黃四如集後序  
詔克國子司業奉訓大夫莆陽吳源編

有宋莆陽黃四如先生文集後識

吾東里文獻之傳肇唐乾寧吾御史公稽之

藝文志舊載泉山秀句集三十卷已不存迨

宋紹興狀元考功公所刻者惟今黃御史集

十卷耳考功公所著知稼翁集序於洪景盧

者皆無由見至宋慶元間吾九世祖獨不懼

公所著四書遺說近思錄義類讀畧續畧新

畧傳習問答畧凡數百卷咸淳間吾八世祖



四如公所著有經史辯疑四書講藁等書藏  
之家者今皆多逸失傳者惟此記序銘說所  
刻百餘篇而已嗚呼傳集之難若是哉仰獻  
追遠得無興深長之思乎鉞敬甫竊自念我  
樓下房祖始十三貢士公至監簿四如公爲  
七世公之子羅源尹子材公嫡孫喬年公爲  
樓下伯房仲孫昌年公爲樓下仲房沂流而  
源今去元大德二百四十禩則四如公實我

伯仲房道學祖思吾道學祖不可得見者  
惟茲一二遺文而已茲集始刻汀幕公癸酉  
秋希英弟令上海刻之官齋間多魚魯鉞敬  
甫續家譜時繙錄茲文薰盥而讀之竊爲訂  
其訛謬釋其音義稽其故實第孱才末識齒  
敝神短訂弗精釋弗詳稽者十遺八九欲再  
梓以傳未能也重怏怏不克遠紹之慮歲乙  
酉兒文炳文蔚應鄉闈默慶以卒業辛卯夏



黃四如集後語  
文炳兒釋服上禮部迺出手稿授之曰默若  
祐道學祖而當爲聞孫異日有祿俸之入當  
無負吾志嘗憶吾四如公記思敬堂曰吾家  
有顯融者良奧者脩之庀之猶今之年度俾  
勿壞又誌壽藏曰黃在軒嘗許予文艾夜之  
太白殘年之卷施子材異時當爲余彙粹遺  
文以成余志余旣落落籍甚私於而有厚望  
文炳跪而受曰敢不服膺以壽先德謹誌之

以埃

大明嘉靖十年四月八日八代孫鉞敬甫頓

首百拜識





吾諸孫東松地官既善繼吾師承德郎木齋翁志新梓

九世祖四如公文集以書最便道過家掃祭

公墓尊賢里嶺口廷宣方患眼疾不能偕行念公去後二百

三十年有孫文炳克世其家振揚遺落此家慶也因而有作

用見慰喜之私

烏石山之前世家稱東蕃品樹枝以繁印池流且長述者惇叙  
廳作者思敬堂追遠跨隆棟無謀掣道傍圭田薦宏敞私第捐  
安詳憲憲既在上言言亦在廊後人非木石家規如琳琅艾軒



尾蹊徑考亭闢門牆紹聞獨不懼仰止耿相將父子崇道德秦  
漢無文章註疏採國史學殖鋤天荒綫緒者誰子九代生賢即  
挺身甲科顯出門即官揚得無念爾祖端可肩平當迢迢魚鳥  
跡惻惻蟲鼠傷躋之翼經史勝於陳衣裳茂草鞠周道枯藤掛  
斜陽手持日星文步出狐兔場下書化冥貨掃地傾椒漿疾予  
聞蘇息觀駭走傍徨賢賢而親親作法求不忘

嘉靖壬寅歲六月六日

賜進士出身奉議大夫順東按察司僉事裔孫東村

廷宣頌首書





